



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DCCCLXXII. ad annum DCCCCIX.

Parisiis, 1644

IV. Actorum Concilii Pontigonensis editio altera, ex antiquis codicibus.

urn:nbn:de:hbz:466:1-15967

IV.

ACTORVM CONCILII PONTIGONENSIS
editio altera, illa fortasse, quam cum legatis apostolicis dicta f-
se, & in Synodo legisse dicitur Odo episcopus Bellouacensis.

SANCTA Synodus, quæ in nomine Domini vocatione domni Ioannis ter beatissimi ac vniuersalis papæ, & iussione domni Caroli perpetuo Augusti congregata est in loco qui vocatur Pontigonis, anno incarnationis dominice DCCCLXXVI. indictione IX. regni præfati inuictissimi imperatoris XXXVII. imperii autem primo, XVII. Kalendas Augusti, hæc capitula quæ subter annexa sunt instituit.

I.

Obeunte Hludouico, qui Romani imperii iura regebat, dominus Ioannes ter beatissimus papa per Gadericum Veliternensem, Formosum Portuensem, Ioannem Aretinum, venerabiles episcopos, dominum Carolum tunc regem ad limina beatorum apostolorum inuitauit, eumque ecclesiæ ipsius defensorem ac tutorem elegit, imperiali- que diadematè coronauit, eum præ cunctis solum & specialel eligens qui Romani imperii scepta teneret. Cuius sacris institutionibus pro debito parentes, quod ipse instituit instituimus, & quod ipse confirmauit pari consen- su omnes firmamus.

II.

Congregata igitur in Romana vrbe sancta Synodo, ante aduentum prædicti domni imperatoris, misit cum consensu omnium epistolas Hludouico regi, filiis quoque ipsius, archiepiscopis, episcopis, abbatibus, ac reliquis primoribus regni sui, monentes eos apostolica auctoritate more paterno seruare quæ pacis sunt, ne videlicet aliquam irreptionem in regno præfati Augusti facile tentarent, vsque dum simul ad mutuum colloquium venirent, & ipse inter eos & de pace conseruanda, & de iure regnum se- cundum sibi a Deo ministerium creditum decerneret pa- riter & discerneret. Quas epistolas per Odonem Belloua- corum venerabilem episcopum sibi destinatas & bis dela- tas omnino recipere renuerunt.

Concil. Tom. 24.

Hhh ij

III.

Ipse vero apostolica & paterna monita paruipendens,
& fraterna foedera disrupta, hostili manu tyrannico
more fraternalium regnum depopulando inuasit: homicidia,
adulteria, sacrilegia, & innumera mala quæ enumerari ne-
queunt, auctoritas facientium perpetrauit.

IV.

Hæc mala audiens ter beatissimus papa perpetrata esse
in regno spiritalis filii sui domni Caroli semper Augusti,
taetus dolore cordis accelerauit mittere missos suos, Ioan-
nem videlicet & Ioannem venerabiles episcopos, cum a-
liis suis epistolis, volens eum monere, ut a tanto malo poe-
nitudinem de præteritis ageret, & tandem fraternalium re-
gnum inuadere desineret. Quorum legationem secundo
commonitus necdum recipere voluit.

V.

Post hos denique misit iterum alios legatos, Leonem
scilicet sanctissimum Gabinensem episcopum & sanctæ
Romanæ ecclesiæ missum & apocrisiarium, pariterque &
Petrum Forosempriatorem venerabilem episcopum, hæc
eadem obsecrando, monendo protestans. Quorum mo-
nita vtrum recipere velit, adhuc ambiguum constat.

VI.

Verum quia præfatus Leo Gabinensis reuerentissi-
mus episcopus, & sanctæ Romanæ ecclesiæ missus & apo-
crisiarius, seu & Petrus Forosempriates episcopus, pro
quibusdam utilitatibus ecclesiasticis morari hic diutius ne-
queunt, neque episcopos de longinquò venientes fatigare
longius dignum est, decreuerunt Ioannem Tuscanensem,
& Ioannem Aretinum venerandos episcopos, qui legatio-
nem præfatorum pariter cum priori legatione suscipien-
tes, ea quæ peragenda sunt, cum ceteris episcopis, quos
communi consensu elegerint, vice omnium episcopo-
rum, quidquid seu in euocanda Synodo, seu in definiendo,
seu in contemptoribus feriendis definierint, apostolica au-
toritate libere definiant, & quidquid ipsi deliberauerint,
dominus apostolicus cum omni sancta Romana ecclesia
determinabit, & in perpetuum mansurum statuet & fir-
mabit.

VII.

Sicut dominus papa Ioannes sanxit, conniuente, & con-

ANNO CHRISTI
876. sentiente, & condescernente domno & gloriosissimo Ca-
rolo imperatore semper Augusto, Ansegisum venerabi-
lem episcopum, Senonum archiepiscopum, suam vicem
tenere, & primatum ei Galliae & Germaniae contulit in
euocanda Synodo, & definiendo canonice, si quilibet in-
surrexerint necessaria, & vt grauiora ad ipsius notitiam
referat: & nos vnanimiter omni deuotione laudamus, &
vt ita ipse primatum teneat Galliae & Germaniae, decerni-
mus & sancimus.

VIII.

Synodum, quam dominus Ioannes apostolicus & vni-
uersalis papa super quorumdam depositionem, Formosi
scilicet Portuensis episcopi, & Gregorii nomenculato-
ris, seu & Stephani secundicerii, & Georgii vestararii, ce-
terorumque suorum complicum, sicut in epistola ipsius
ad nos missa continetur, nuper instituit, & nos secundum
iussionem ipsius, in nullo a capite dissidentes, consentien-
do decernimus, omnibusque apostolicis illius sanctioni-
bus per omnia parentes sicut decet obedimus.

IX.

Censuram vero, quam dominus apostolicus super ne-
fandissima acta Hludouici regis, & complicum eius, nisi
resipuerint, & debitam obedientiam sedi apostolicæ exhi-
buerint, statuit & firmauit; omnes nos, qui ad præsentem
Synodum conuenimus, vnanimiter decernimus, atque
firmamus.

Sequebatur post hæc in codice sancti Remigii confirmatio Synodi
Ticinensis, cum episcoporum subscriptionibus, vt supra.

V.

LIBELLVS PROCLAMATIONIS ECCLESIAE

Rhemensis aduersus Hludouicum regem Carolo imperatori
oblatus in Synodo Pontigonensi.

PATERNS magisteriis instruimur, vt si qua maiora
negotia, vel maiores causæ exortæ fuerint, ad sedem
apostolicam, prout auctoritas docet, & mos antiquus ob-
tinuit, semper referantur. Ideoque, quia imperialem ex-
cellentiam vestram Synodo præfesse, & vicarios sedis apo-
stolicæ præsto nobis adesse gaudemus, calamitates & mi-

Hhh iij